

tere, per sier Sabastian Marzello, soracomito, di 9 et 12 s ptembre, e li danari, zoè ducati 400 in barilli per le fabriche, ducati 130 per sier Marco Antonio Contarini, provedador in Castel Nuovo, ducati 300 per do chalchare di calzina, ducati 292 per dar meza paga a li murari, taiapiera et cavadori, e ducati 1000 per dar una paga a quelli fanti è li, de li 4 contestabeli e bombardieri exequirano etc. *Item*, di l'arsil, l'anno armato, et le zurme\*di la galia Vizamana, da la Cania, qual era innavigabile, fono poste sopra 4 fuste de li, andò in armata; e dito arsil, a di 14, di ordine dil zeneral, vene a disarmar. *Item*, li danari di la fabrica dil Zante è rimasto a presso esso sopracomito, perchè anderà in quelle aque, qual anderà con el primo tempo, e le letere a quel proveditor. *Item*, manda lettere dil zeneral, per gripo a Otranto.

*Dil dito baylo et capetanio et provedador, di 24.* Avisano di le fabriche. Primo, Castel Nuovo dentro ben ordinato e fortifichato, li resta far uno dirupo a la banda de driedo versso San Sydro, el qual dirupado sarà inexpugnabile. El Castel Vechio ancora non è stà fortifichado, per esser di natura aspero e forte; *lumen* lo farano fortissimo; bisogna abassar le mure, qual son alte e bresaio di bombarde, e retenirle basse nel saxo vivo, e dil saxo far muri e re-  
471 pari, nè si temerà di bombarde, per l'obstaculo dil saxo vivo, nè di bataglia da man, per l'alteza sua e per i diruppi rati che si farano, *adeo* pochi homeni potranno securamente contra ogni zente custodir. E tanto più azonzendo l'opera di Giacomo Coltrin exogitata, ch'è il taio e la cinta principiada a loco, dove soleva esser el palazzo, includendo dentro la cittadella et li castelli, arà diseso di passa 5 in 6, ma per esser opra granda, li bisogna tempo, perchè si ha a exportar'tereni assai, e far gran dirupi del monte; spera redur a perfectione. *Item*, la scarpa da la banda di l'arsenal non è compida; li resta corsi X senza i so parapeti e merladure; bisogna farla, e fornir el torion, principiado per sier Marchiò Trivixan, pur a quella banda, e bisogna ruinar tute case contigue a le mure da la banda de la Zuecha per farli i suo' volti, e farà do boni effetti: slargar le mure pie' 18, non è 13; l'altra, li combatanti si potrà conservar da le artilarie. *Item*, per esser stà dato bon principio a li reperi a le mure nove del fosso verso la loza, si compirà. *Item*, la calzina è venuta a fine; è preparata una calchara, è stà posto focho, fin 8 di sarà fornita; costa ducati 100; compita, si darà principio a le fabriche, e si farà una altra, *adeo* non è per manchar calzina; e *interim* si atende al dirupar

e asunar le piere per le fabriche. Suplichano se li mandi in locho di provisionati, o page da guazo, 200 manoali brexani, sarano boni et fidelissimi soldati; *item*, lignami per li reperi, e miara X di taole, richieste al partir de esso provedador per far gorne, per esser di aque summa penuria; *item*, carbon de li non si trova, e per far cisterne miara 200 piere cotte grande, qual si manda per saorna di navilij, e le ha pagate, per la cisterna dil castello, lire 25 el miaro, e molti cittadini se offeriscono pagar parte di ditte, per far particular cisterne. *Item*, el gripo di le munition è azonto, ma la nave, patron Francesco de Monte, non ancora; qual fo cargata al suo partir de qui. *Item*, a li zorni passati fo cargata di biscoti per l'armata la galia Loredana e la Tiepola, e fo mandato *etiam* uno gripo, cargo de biscoti, venuto di Otranto; da poi uno altro navilio; e *noviter* hanno cargato le do galie grosse, Loredana e Marcella, qual per tempi contrarij anchor è de li, e doman si cargerà la galia Marcella, zonta di novo, di biscoti. *Etiam* è biscoti su la nave dil zeneral, sopra la qual è lignami, et *etiam* aspeta tempo; e il soracomito Marcello ha dito, a Durazo è zonto uno navilio, vien di Venecia, di biscoto; sarano in tutto da 600 miera. *Item*, è divulgato che di la Vajussa sono ussite fuste 5 et galie do, et venute a la Vallona; ma non è certeza.

*Di sier Domenego Dolfim, capetanio dil colpho, date in galia, a presso Durazo, a d' 29 novembro.* Chome, per ordine dil zeneral, licentiò le do galie grosse, e la nave Pexara; laudano essi patroni, et per esser galia sola, si levò e andò in canal di Corphù, per revochar la galia Vitura e Dolphina, erano a Coriù per cargar biscoti, *unde*, zonto senza meter in terra nè dimorar ponto, tornò con dite galie a la custodia dil Sasno, e fè comandamento a la galia Tiepola e Trivisana li venisse driedo al Sasno, dove è stà ad aspetarle zireha zorni 15. Et per esser poche galie, ha convenuto star al continuo con le arme  
471 in man, si 'l tempo era bonazevele; si fortunevele, stava in travaio e in pericolo; e il zorno di Santa Catarina, cazato da uno temporar, vene li a Durazo, et à spazà de li la galia Vitura a Brandizo con le lettere, e perchè si fornissa di vituarie, qual è mal in hordine; e a Corphù, fra bombardieri, ballestrieri e galioti, li sono faliti da zereha homeni 60, e convien tenir quella galia lontana da lui, per esser pericolosa in ogni caso etc. *Item*, si leverà con el primo tempo, e anderà al Sasno, e poi a Corphù, per unirse con le altre galie, e troverà li la galia Trivisana e Marzella; et la Tiepola par sia stà chiamata dal zeneral, e con le 4 tornerà al Sasno; e, *licet* il tempo